



Pou Piblikasyon Imedya: 17/02/2021

GOUVÈNÈ ANDREW M. CUOMO

**GOUVÈNÈ CUOMO ANONSE KAT SIT VAKSINASYON ANPLIS KI GEN
PATENARYA AVÈK FEMA AK ETA A KI GEN POU OUVRI NAN NEW YORK, KI
SIBLE POU OGMANTE AKSÈ EKITAB AK VAKSINASYON**

Sit yo ki sitiye andeyò Vil New York pral sible kominote defavorize yo, nan kad efò Administrasyon Cuomo ak Biden yo pou distribiye vaksen yon fason ki ekitab ak efikas

Sit yo pral etabli nan Buffalo, Rochester, Albany ak Yonkers epi yo chak pral vaksine 1,000 Nouyòkè chak jou, y ap ouvri premye semèn mas la

Swiv anons sit similè yo nan Medgar Evers College nan Brooklyn ak York College nan Queens kote yo pral vaksine 3,000 Nouyòkè chak jou apati semèn k ap vini an

Sit yo pral sèvi kòm modèl nasyonal pou distribisyon vaksen yon fason ekitab

Gouvènè Andrew M. Cuomo te anonse jodi a ke sou demann Gouvènè a, Ajans Federal pou Jesyon Ijans (Federal Emergency Management Agency, FEMA) lan pral etabli kat sit vaksinasyon kominotè anplis nan Buffalo, Rochester, Albany ak Yonkers. Kat gwo sit vaksinasyon sa yo andeyò Vil New York la pral vaksine anviwon 1,000 Nouyòkè chak jou apati premye semèn mas la, epi randevou yo pral kòmanse rezève dabò pou manm yo nan kominote a kote sit yo sitiye a. Etablisman sit sa yo swiv [anons](#) Gouvènè Cuomo te fè nan mèkredi 10 fevriye lè li te mete ansanm ak Kowòdinatè Repons COVID-19 Mezon Blanch lan, Jeffrey Zients, ak Prezidan Gwoup Travay sou Ekite nan Sante COVID-19 Mezon Blanch lan, Doktè Marcella Nunez-Smith, pou anonse sit similè nan Medgar Evers College nan Brooklyn ak York College nan Queens.

Sit sa yo te chwazi nan patenarya avèk FEMA ak CDC ki konsantre sou amelyore aksè ak vaksen an nan kominote ki vilnerab sosyalman yo. Sit yo pral sible kominote yo ak popilasyon yo ke sistèm swen sante tradisyonèl la pa te byen sèvi istorikman kote COVID-19 la te afekte yo yon fason ki pa pwopòsyonèl. Lè nou ogmante aksè ak vaksen nan kominote kote ezitasyon vaksen ak pousantaj vaksinasyon yo pi ba pase lòt pati yo nan eta a, sit sa yo pral bati sou konsantrasyon Eta New York ak Administrasyon Biden lan pou vaksinen plis moun jan sa posib yon fason ki jis epi ekitab nan kreye sal vaksinasyon nan anviwònman ke moun fè konfyans atravè patenarya ak lidè ak òganizasyon kominotè yo. Gouvènè a te ofri tou gouvènman lokal yo ke eta a pral gen

patenarya avèk yo pou etabli sit vaksinasyon an mas anplis nan konte yo a pou ede abòde disparite ki genyen nan administrasyon vaksinasyon an.

"Depi premye jou a, New York te prioyize aksè ekitab ak vaksinasyon an atravè efò agresif ki vize atenn kominote yo ke COVID la te frape pi di yo", **Gouvènè Cuomo te deklare**. "N ap mete kat nouvo sit vaksinasyon nan kominote ki vilnerab sosyalman yo andeyò Vil New York kote nou te wè pousantaj pozitivite ki pi wo ak pousantaj vaksinasyon ki pi ba. Sit sa yo pral fonksyone avèk lè pwolonje - chak ap administre 1,000 dòz vaksen an chak jou - epi pa gen okenn dout ke yo pral se fason ki pi efikas pou bay vaksen an osi vit ak ekitab sa posib nan kominote ki bezwen li plis yo epi rapwoche nou yon pa pi pre pou genyen gè kont COVID la."

Kat sit vaksinasyon yo te etabli yo sitiye nan adrès yo ki anba a:

Buffalo, Konte Erie

Delavan Grider Community Center (Sant Kominotè Delavan Grider)
877 E. Delavan Ave.
Buffalo, NY 14215

Rochester, Konte Monroe

Ansyen pakin Kodak Hawkeye nan Ave E
1345 St Paul Street
Rochester New York, 14621

Albany, Konte Albany

Washington Ave. Armory
195 Washington Ave.
Albany, NY 12210

Yonkers, Konte Westchester

New York National Guard Armory (Asenal Gad Nasyonal New York)
2 Quincy Place
Yonkers, NY 10701

Sit yo an devlopman kounye a. Randevou nan sit FEMA-NYS gen patenarya yo pral rezèvè dabò pou manm yo nan kominote a kote sit yo sitiye a, ak efò angajman kominotè yo ki pral itilize pou ede ankouraje manm yo nan kominote a enskri pou randevou. Plis enfòmasyon sou orè, dat ouvèti, ak lè yo fonksyone yo pral disponib nan jou k ap vini yo.

Pandan ke COVID-19 la te gen yon enpak ki lakòz domaj sou nasyon an nan tout entegralite li, viris sa a te devaste kominote pòv yo ak kominote koulè yo patikilyèman, kote moun Nwa ak Latino yo mouri nan yon pousantaj ki pi wo pase moun blan yo. Depi nan kòmansman pwoesisis distribisyon vaksen an, yon lòt tandans ki bay prewokipasyon te parèt - ezitasyon konsènan vaksen an, espesyalman nan kominote Nwa a. Avèk yon gwo kantite travayè esansyèl ki soti nan kominote koulè yo, Nouyòkè

sa yo ap fè fas a yon risk ogmante pou kontrakte viris la tou senpleman akòz nati travay yo. Sa te fè li pi enpòtan toujou pa sèlman pou kontinye travay pou mete konfyans nan vaksen an, men tou pou kraze baryè aksè yo epi asire ke li disponib dirèkteman anndan kominote sa yo.

Avèk sipò FEMA, Depatman Sante ak Sèvis Sosyal Etazini an (U.S. Department of Health and Human Services), Depatman Defans (Department of Defense) ak lòt ajans federal yo, sit sa yo pral mobilize anplwaye klinik ak non-klinik federal yo ak kontraktè ki pral travay avèk Gad Nasyonal la, Eta New York, lidè lokal yo ak òganizasyon ki baze nan kominote yo pou etabli ak opere sit sa yo. Yo pral prepare chak kote pou satisfè bezwen kominote espesifik li ap sèvi a.

Administratè Pwovizwa Rejyon 2 FEMA a, David Maurstad, te deklare "Kat sit vaksinasyon kominotè anplis sa yo ke federal la finanse yo atravè Empire State nan kad efò gouvènmantal federal, eta ak lokal yo pral abòde ak anpeche inegalite nan sante pou COVID-19 ak asire yon repons ekitab ak pandemi an. Popilasyon vilnerab ak defavorize yo ki jwenn aksè ak vaksen yo fè pati angajman nou pou asire tout moun ki vle yon vaksen kapab jwenn youn".

Manm Kongrè Paul Tonko te deklare, "Sa a se yon bòn nouvèl pou rejyon nou an. Pifò sit vaksinasyon yo vle di plis manm nan kominote nou an ki kapab jwenn aksè ak zouti pi enpòtan nou genyen pou konbat pandemi sa a ak rekonstwi kominote nou yo ak ekonomi nou an. Mwen kontinye travay nan kongrè a pou asire nou tout gen resous, ekipman pwoteksyon ak vaksen nou bezwen pou fè travay sa a vit, yon fason efikas ak an sekirite".

Manm Kongrè Joe Morelle te deklare, "Vaksen COVID-19 la se wout sòti nou nan pandemi sa a—epi pi vit ke nou fè li rive an bra Ameirken yo, se pi vit nou kapab kòmanse retabli, rekonstwi ak revitalize kominote nou yo. Sit vaksinasyon an mas sa a pral rapwoche nou yon pa pi pre objektif sa a pandan sa ap asire ekite tou pou katye defavorize yo ke kriz sante sa a te afekte yon fason ki pa pwopòsyonèl. Mwen rekonesan pou Prezidan Biden ak Gouvènè Cuomo pou lidèchip yo pandan moman difisil sa yo epi pa ka tann pou kontinye travay nou ansanm pou akselere pwoesis vaksinasyon an ak asire pèp Ameriken an gen soulajman ak sipò yo merite".

Manm Kongrè, Jamaal Bowman, te deklare, "Nou fyè dèské ekip nou an te kapab travay avèk Gouvènè a pou vini ak yon sit vaksinasyon an mas nan distri nou an. Nou pral aji byen rapid pou asire yon deplwaman ekitab vaksinasyon an pou tout elektè nou yo. Distri nou an se te episant oriijinal epidemi COVID-19 la epi toujou ap fè fas ak efè devastatè yo jodi a, ki te afekte granmoun aje yo ansanm ak kominote Nwa ak Latino yo yon fason ki pa pwopòsyonèl. Nan Konte Westchester, 171 sou 100,000 rezidan Nwa te mouri, konpare ak 89 sou chak 100,000 atravè konte a an gwo. Bronx te gen kantite lanmò ki pi wo pou granmoun aje yo nan 3,726 lavi granmoun aje ki pèdi yo. Anons jodi a se youn nan anpil etap enpòtan pou defann viris la".

Chèf Egzekitif Konte Monroe a Adam Bello te deklare, "Mwen remèsyé Gouvènè Cuomo ak Prezidan Biden pou patenarya li dèské li konstwi sit vaksinasyon kominotè an mas sa a pou COVID-19 nan ansyen izin Eastman Kodak Hawkeye nan St. Paul Boulevard. Sa klè ke kriz COVID-19 la te lakòz domaj ak kominote Nwa ak Bren nou yo yon fason ki pa pwoposyonèl, epi li espesyalman enpòtan ke efò vaksinasyon yo vize plis aksè pou moun ak katye ki te pi frape ak pi difisil pou atenn. Mwen pa ka tann pou kontinye travay avèk patnè etatik ak federal nou yo pou pèmèt otan piki sove lavi sa yo ale nan bra moun yo san patipri ak yon fason ekitab jan sa posib pandan apwovizyonman yo pou vaksen an ap ogmante".

George Latimer, Chèf Egzekitif Konte Westchester, te deklare, "Kominote defavorize yo ke sit vaksinasyon an mas sa a nan Yonkers pral vize sèvi a se menm rezidan yo ke viris mòtl sa a te plis touche pandan li t ap ravaje Nasyon, Eta ak Konte nou an. Menm kominote ki te frape pi di yo lè premye episant kowonaviris nasyon an te vini nan Westchester. Avèk nouvo Administrasyon Biden lan, gouvènman an isit la pou bay èd. Disparite yo ki te rive pandan pwosesis vaksinasyon an pa akseptab epi mwen remèsyé Prezidan Biden ak Gouvènè Cuomo pou asistans yo nan kreye sit sa a. Sit vaksinasyon an mas sa yo se vrèman limyè nan pwent tinèl la".

Direktè Konte Albany, Daniel P. McCoy, te deklare, "Sa vire jwèt la nan efò kontinyèl nou yo pou pèmèt manm kominote defavorize nou yo jwenn vaksen kont viris la. Mèsi, Prezidan Biden ak Gouvènè Cuomo dèské nou tandé nou lè nou te di ke n ap fè patenarya pou pote plis piki bay kominote nwa ak bren nou yo epi ke nou te bezwen pi gwo apwovizyonman vaksen. Patenarya nou pou pote vaksinasyon mobil yo bay kominote vilnerab yo te yon siksè epi nou pral kontinye sansibilizasyon nou bò kote pati enterese nan kominote yo. Lè nou etabli yon vaksinasyon an mas kominotè ki sitiye nan kè anba lavil Albany, n ap kapab akonpli ekite epi kapab pèmèt gen plis piki ki ale nan bra yo pi vit toujou".

Lidè Majorite Sena a, Andrea Stewart-Cousins te deklare, "Nouvo vaksinasyon COVID-19 sa a nan Asenal nan Sidwès Yonkers, ke FEMA sipòte epi Eta New York jere, se yon gwo etap pou kominote nou an ke mwen te konn defann anpil. Sa pral asire yon estrateji vaksinasyon lokal ki pi ekitab lè nou bay sèlman Yonkers ak rezidan Mt. Vernon yo vaksinasyon nan yon kapasite vaksinasyon pa jou enpresyonan ki se 1,000. Mwen remèsyé patnè lokal, eta ak federal nou yo pou efò yo nan ede rann sa posib".

Senatè Neil Breslin te deklare, "Mwen felisite Gouvènè Cuomo ak Administrasyon Biden lan dèské yo etabli kat sit vaksinasyon an mas kominotè anplis nan New York. Sit vaksinasyon an nan Asenal Albany an pral bay aksè ak vaksen nan kè vil la lè li distribiye 1,000 vaksen pa jou ak rapwoche nou pi pre fen pandemi an".

Senatè Jeremy Cooney te deklare, "Nouvo sit vaksen sa a ak atribisyon dòz federal la nan 56yèm Distri Sena a se nouvèl ki ankourajan pou kominote nou an. Mwen remèsyé Gouvènè Cuomo pou defans li anvè CDC pou asire kominote ki mwens reprezante yo gen opòtinite jwenn aksè ak nouvo apwovizyonman sa a. Sa enpòtan anpil pou asire ekite nan distribisyon vaksen ki sove lavi sa a pou rezidan Rochester yo".

Senatè Tim Kennedy te deklare, "Gwo enpak pandemi COVID-19 la te ogmante pou anpil kominote koulè yo nan New York ki te deja ap batay ak gwo disparite nan domèn sante ak yon mank aksè pou swen sante pandan plizyè deseni. Distribisyon vaksen an dwe tounen yon priyorite pou popilasyon sa yo ke viris la te afekte yon fason ki pa pwoposyonèl. Mwen kontan wè New York ki fè yon pa nan bon direksyon an pou asire ekite ak aksesibilite pandan tout pwoesis sa a".

Senatè Shelley Mayer te deklare, "Mwen kontan anpil ke vaksen yo pral disponib kounye a nan anba laval Yonkers, pi gwo vil Westchester, nan Asenal Gad Nasyonal. Nouvo sit sa yo ranfòse efò nou yo pou tounen konbat viris la ak asire distribisyon ekitab vaksen COVID-19 la. Mwen remèsye Gouvènè Cuomo dèské li chwazi Yonkers yo pou lokal nouvo sit sa a ki konte administre 1,000 dòz vaksen chak jou. Chak jou, biwo mwen an tande fristrasyon elektè yo ki bouke chèche yon randevou anven. Ajou nouvo sit sa a rapwoche nou yon pa pi pre pou satisfè demann lokal pou vaksen an".

Harry Bronson, ki se Manm Asamble a, te deklare, "Anons jodi a sou ajou lokal vaksinasyon an mas Kodak Hawkeye pou moun ki nan zòn Rochester, mete vaksen nan bra sila yo ki pi afekte, fanmi bren ak nwa yo nan kominote nou an. Desizyon gouvènè a pou fè katye nou an tounen yon sib pou vaksen an, alien avèk angajman nou pou asire vaksinasyon yo distribiye nan yon fason ki ekitab. Sit Hawkeye la se yon lòt etap pou pèmèt fanmi ki pi afekte yo jwenn vaksen".

Manm Asamble Patricia Fahy te deklare, "Pandan plis Nouyòkè ap vini disponib pou resevwa vaksen COVID-19 la ak pran randevou yo, ouvèti plis sit vaksinasyon ki fasilman aksesib pou publik la se kle pou pèmèt gen otan piki posib ki ale nnan bra yo. Konsidere gwo demann ki genyen sèlman nan Rejyon Kapital la ak nan tout Eta New York, nouvèl ki enfòme ke Washington Avenue Armory pral bay yon sit vaksinasyon an mas deja byenvini. Mwen felisite Gouvènè Cuomo, FEMA ak Administrasyon Biden lan pou patenarya yo dèské yo ouvri nouvo sit sa a, ak dèské yo asire kominote koulè yo an patikilye pa rete dèyè nan deplwaman vaksen New York la".

Manm Asamble John T. McDonald III te deklare, "Vaksine Nouyòkè yo enpòtan anpil pou pwoteje publik la ak mete yon arè nan pwopagasyon COVID-19 la. Efò Eta New York ak Gouvènè Cuomo yo ankouraje mwen pou asire enjistik sosyal ak ekonomik yo pa anpeche efò sa yo. Kominote Nwa, Latino, Azyatik ak pòv yo te genyen pi gwo pouvantaj enfeksyon ak soufri pèt plis moun pwòch. Nouvo sit sa yo bay vaksen COVID pou kominote ki te plis sibi domaj yo, pote lespwa ak yon lavni meyè pou tout moun".

Manm Asamble J. Gary Pretlow te deklare, "Sit vaksinasyon an mas yo te ede eta a fè gwo pwogrè nan objektif pou vaksine chak gress Nouyòkè osit vit ak ekitab posib. Nouvo sit sa yo nan eta a pral ede konstwi sou pwogrè sa a, espesyalman avèk popilasyon vilnerab yo ke viris COVID la te frape plis. Mwen remèsye Gouvènè a dèské li te montre gwo lidèchip depi nan kòmansman kriz sa a atravè gwo efò sa a pou livre vaksen nan tout kote nan eta nou an".

Manm Asanble Nader Sayegh, te deklare, "Rezidan Yonkers yo, espesyalman sila yo k ap viv ak travay nan katye ki vilnerab sosyalman yo, te soufri anpil pandan pandemi sa a. Anons 1,000 vaksinasyon COVID-19 la chak jou nan biling Asenal Gad Nasional la se nouvèl nou t ap espere ak priye pou li epi mwen rekòmande tout konpatriyòt mwen nan sit Yonkers yo pou pran vaksen. Mwen remèsyé Gouvènè a ak Prezidan Joe Biden dèske yo te vin ede vil nou an".

Majistra Albany an, Kathy Sheehan, te deklare, "Priyrite prensipal nou kontinye se pote vaksen bay rezidan nou yo ki istorikman defavorize, epi efò sa a nan pòtay katye Sheridan Hollow, Anba Lavil Albany ak West Hill bay opòtinite pou pi byen sèvi bezwen yo. Mwen remèsyé Prezidan Biden ak Gouvènè Cuomo dèske yo te pote plizyè milye vaksen bay rezidan nou yo nan yon fason ki ekitab".

Mike Spano, ki se Majistra Yonkers, te deklare, "Mwen remèsyé Gouvènè Cuomo ak Administrasyon Biden lan dèske yo rekonèt ijans k ap grandi pou pote vaksen COVID-19 la dirèkteman bay sila yo ki pi vilnerab ak viris la. Gen lontan sa nou te bezwen yon sant vaksinasyon nan Yonkers pou pi byen sèvi pati nan kominote nou an ke COVID-19 la te afekte yon fason ki pa pwopòsyonèl. Aksè ekitab ak vaksen an ak pi bon swen sante se yon bagay esansyèl pou frennen viris la ak kreye Yonkers ki pi djanm ak pi rezistan".

Majistra Vil Rochester a, Lovely Warren, te deklare, "Lè nou gen yon sit vaksinasyon an mas ki sitiye nan nòdès Rochester, sa reprezante bòn nouvèl ak pwogrè ki byenvini. Mwen rekonesan anvè Prezidan Biden ak Gouvènè Cuomo pou etap enpòtan sa a pou ekite. Kounye a, ansanm, nou kapab ak dwe asire popilasyon defavorize nou yo jwenn menm aksè ak vaksen COVID la. Mwen pa ka tann pou travay avèk Gouvènè a ak ekip li a pou atenn objektif sa a".

Gouvènè Cuomo te fè distribisyon jis ak ekitab vaksen COVID-19 la yon priyrite prensipal depi nan kòmansman pwosesis sa a. Nan fen 2020, Gouvènè a te anonse lansman Gwoup Travay sou Ekite Vaksen nan New York ke Sekretè Eta Rossana Rosado, Prezidan Lig Nasional Iben ak Direktè Egzekitif Jeneral Marc Morial, ak Prezidan Healthfirst ak Direktè Egzekitif Jeneral Pat Wang ap dirije. Depi etablisman li, Gwoup Travay la te kontinye travay pou asire kominote vilnerab ak defavorize yo pa rete dèyè nan eliminate baryè pou jwenn vaksinasyon epi asire gen distribisyon ekitab vaksen an nan tout eta a.

Tou dènyèman, Gouvènè Cuomo ak Administrasyon Biden lan te anonse de sit vaksinasyon an mas kominotè ki pral etabli nan Medgar Evers College nan Brooklyn ak York College nan Queens, chak sit ap vaksine anviwon 3,000 Nouyòkè chak jou apati semèn k ap vini an. New York te dirije tou devlopman yon sit vaksinasyon an mas nan Estad Yankee an patenarya ak Vil New York, New York Yankees, SOMOS Community Care ak Gad Nasional New York, espesyalman pou rezidan yo nan Bronx lan, ki pa sèlman kontinye kenbe pi wo pouvantaj pozitivite COVID-19 nan Vil New York, men tou gen anpil katye ki konsidere kòm 'dezè nan zafè swen sante.'

Anplis de sa, New York te etabli plis pase 90 sit vaksinasyon 'tanporè' ki baze nan kominote a nan legliz yo, sant kominotè yo ak konplèks lojman piblik yo dirèkteman nan kominote yo toupatou nan eta a ki te defavorie pa sistèm swen sante tradisyonèl yo. Depi 15 janveye, sit sa yo te pèmèt apwoksimativman 43,000 Nouyòkè resevwa premye dòz vaksen COVID-19 yo a. Aprè administrasyon premye dòz yo, yo re-etabli sit yo twa semèn pita pou administre dezyèm dòz yo.

New York pral kontinye etabli sit tanporè sa yo jiskaske yo mete yo nan tout 33 Devlopman Lojman pou Granmoun Aje NYCHA (NYCHA Senior Housing Developments) yo, ki loje plis pase 7,600 granmoun aje. Yo pral kontinye etabli tou lokal tanporè yo pral nan lòt konplèks lojman piblik yo nan tout Eta a, epitou nan plis pase 300 legliz ak sant kiltirèl ki ofri tèt yo volontèman pou loje sit sa yo atravè Gwoup Travay sou Ekite Vaksen (Vaccine Equity Task Force) Gouvènè Cuomo a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)